

俞太史
斷句

古事比

第五

冊



古事比卷之四十六

桐山方中德田伯輯著

邵陽學人王梓琴伯較

命遇

賈誼二十為大中大夫。楊震五十始應辟。馮唐白首郎署。董賢未二十而為三公。唐馮元常取錢多官逾進。盧懷慎貴為卿相。而終於貧。早暮窮達有定命也。

田千秋以一言取相。阮千里以三語辟為掾。樊曄以一筒餌拜都尉。孟他以五斗酒博刺史。即事而較之。千秋其優乎。千秋猶能悟主第。不當以此遽至相位耳。

有鉗徒相衛青封侯。青笑曰。生得無答罵足矣。方貧賤時。豈惟人不信。已亦不自信。韓世忠嗜酒尚氣。人呼潑韓。五有日者言當作三公。以為侮。已毆之。已且不自信。而何望于人。石勒在田中毒。聞鞞鐸之聲。歸告其母。母曰。作勞耳鳴。固不期為祥徵也。王敬則母謂人。敬則生。肥衣紫色。應得鳴鼓角。人笑之。為人吹角。母固期之笑者。固不信也。

張濟之事解濟侯。龍淵善相。相濟以財。得三公。會解濟侯往相淵。謂濟可厚事。孔靜之結宋高祖。靜畫臥有神人。謂曰。起天子在門。靜出與帝。過延入結交。贈遺及定京邑。擢為會稽內史。亦塵埃之物色也。

杜牧之阿房宮賦。今古絕唱。當時場中不取。以吳武陵先容覆閱。才置上第。陸宣公主試韓愈卷。亦黜不取。次年主試復出是題。愈復出舊作。一字不易。宣公奇其文。遂首薦。宣公藻鑑亦非遽變於前。出處顯晦。自有司命者存。非人所能為也。宋劉幾程試為第一。怪險之語。翕然成

風歐陽公深惡之。知貢舉有舉子論曰：天地軋萬物出，公橫抹之。後為御試考官，劉幾更名輝試賦，公大稱賞。及唱名第一，果幾也。鄭獬自負才名，國子監第五人，送意甚不平。主司銜之，廷策復為考官，必欲黜落，既而發卷，則獬乃第一人。奇問

東坡知貢舉，李方叔就試，坡緘封一簡送方叔，為章子厚二子援持，竊視攜去。而方叔竟下第，拂鬱而卒。淳熙中，汪玉山知貢舉，與一布衣友約會富陽蕭寺密語，言中用三古字。其人病未就試，乃一假寓蕭寺者，夢一女告之求葬，用其言果叨前列。此與錢起之寓驛舍，聞人咏江上峯青之句。試湘靈鼓瑟詩同遇矣。前

孔甲取荄山之子。田于荄山大風晦盲孔以歸曰：以為余子，誰敢殃之。而後折斧斫足，遂為守門者。漢文以蜀嚴道賜鄧通鑄錢曰：能富通者我也。而竟寄死人家。前

唐王顯與太宗有舊，及登極召其子皆授五品。顯獨不及，帝曰：卿無貴相，朕豈為卿惜也？房玄齡曰：何不試與之？與以三品，賜紫袍金帶。是夜卒。王無算太宗微時，與蒲戲，及登極召至，令于春明門外待諸州麻車三日，並與之，昇惟得三車，頻請五品。帝曰：非不與卿，惜卿不勝也。許之。

其夜遂卒。偶事

金宣宗聞溫敦太平卒，曰：屢欲授一職，每以事阻，今僅授之未數日而亡，豈非天耶？章宗聞張萬公卒，歎曰：朕迴將拜丞相，而竟不起命也。操一世子奪之柄者，蓋亦不能由人。天命所在，人亦何以有心為哉？王慶乞敘功賞，唐莊宗曰：知慶有功，但每見則心憤，然安得更有賜予之意？

人也亦天也

蘇易簡先在禁林李沆後入既而沆除參政蘇不悅上步虛詞以見意上即日俾參大政拜命不數日卒李繼凝因召對太宗許以大用歸與兄弟言之大喜醉後忽感風眩卒義命所無一日不可得况傾人取位者乎

唐劉言善歌詩世以比李賀王武俊奏授東強令不就李夷簡請為從事或勸宜重以賓署公曰豈惜幕間一足地為惜其壽耳表奏詔下之日無恙而卒後周庑載王朴薦於李穀久而不用曰恨命薄不能勝及為學士居歲中病卒

偶事

宋太宗與陳學究善即位以左司諫召之官吏大集其門一夕醉飽而死唐許孟容知貢舉以陳存能久屈場屋欲與一第是夜遽中風不能言

顏駟曰文帝好文臣好武景帝好美臣貌醜陛下好少臣已老武帝拜為會稽都尉盧照鄰自以為當高宗時尚吏已獨儒武后尚法已獨黃老后聘賢士已病廢著五悲文以自明與親屬別自沈潁水杜篤為文學掾以目病二十餘年不窺京師篤外高祖卒武賢以武畧稱篤嘗歎曰杜氏文明善政而篤不任為吏辛氏秉義經武而篤又怯于事內外五世至篤衰矣

王沐以再從兄涯執相權至京經三十餘月始得一見適涯敗伏法沐方在私第遂并收斬舒守謙元興之族元興禮遇頗厚偶以非過怒之辭往江南始達昭應忽聞元興之禍遂免於難

代醉編

盧渥于滄水逆旅遇宣宗微行呼與相見袖詩卷而去他日令主司擢第溫庭鈞遇宣宗于逆

旅傲然詰之明日謫方城尉二人皆過宣宗而一擢一謫雖其自取亦有幸不幸矣

孟浩然見明皇誦不才明主棄多病故人疎明皇曰卿自棄朕朕何嘗棄卿孟實見周世宗誦不伐有巢樹多移無主花世宗曰朕伐暴弔民何謂有巢無主二子皆不蒙錄用李泌薦韓勝進其據一作狀河賦以天子玉齒對金錢德宗不悅數薦皆不從王欽若少寒窘章聖再開封見其一聯云龍帶晚煙歸洞府雁拖秋色過衡陽甚愛之召見與語遂擢至上相由是知人之遇不過命也奚得而強哉

有軍校與趙韓王普同年月日時生韓王有一大遷除軍校則有一大責罰小陞轉則軍校亦微有譴呵東都有貨粉鄭氏子歲月日時與蔡魯公京同其家大喜年十八出遊馬忽躍入波中溺死甲子合而相遠若此

韓退之以磨蝎為身宮蘇子瞻以磨蝎為命宮星書謂丑宮為磨蝎詩曰我生之辰日宿南斗蝎斗牛之宿在馬牛奮其角箕張其口蘇詩曰生時直宿斗牛箕故文名相類而不遇於時亦同張燕公作詩言

有耗磨日

孔文舉天骨金多木少朱用晦星命官多祿少張南軒知星命判晦翁云云

盧懷慎張說同相張富而盧貧盧疾革夫人謂算疑未盡盧曰冥司有爐三十為說鼓鑄橫財我無一馬福有厚薄安可比哉故李德裕張齊賢皆食萬羊李嶠為相臥無裊褥上命賜之通夕不能寐張文瓘分無堂食或強之食輒患心腹痛天子之以相而不予之以福固各有分也

雖君相亦不能造命如魏徵之二典事

一人曰我等官職總由此老翁一人曰總由天上微作書遣由此老翁者送至侍郎處與一好官其人不

門心痛憑由天上者得留問知歡息宋仁宗之二近侍

甲言貴賤在命乙言貴賤在至尊帝以二金引注由天上者得留問知歡息

乙携一往度及半道命甲携一繼往無何內東門司

保奏甲推恩問之乃乙至半道足跌傷甲遂先到金海陵時之二護衛

言由君所賜者以五品上蔡答不謁執政曰安能陶鑄我自有命在於此益信

職其人以疾竟不及授

王安石之問化成

乙罷未許喚老僧化咸作課曰不疑何卜去意遂決

秦檜之問王葆

葆曰果欲告老擇可任事者居相位檜默然

其意雖同

而一決去一默然其人自別哉

問奇

自古無望之禍玉石俱焚然固自有幸有不幸漢武以望氣者言獄中有天子氣遣使皆殺之

獨郡邸獄繫者賴丙吉得生煬帝令嵩山道士潘誕煉金丹云得童男女膽髓帝怒斬誕方士

言李氏當為天子勸盡誅海內李姓不行太宗以女武當王欲取疑似者盡殺之賴李淳風諫

而止

前

天下美難兼得也夏侯嘉正喜丹竈又欲知制誥二願竟不遂而卒白樂天棄冠冕而歸鍛鍊

丹竈未成除書已到錢惟演自樞密為使相歎曰使我于黃紙盡處押一字足矣劉子儀三八

黃堂望大用稱疾曰虛熱上攻石文定云只消一服清涼散

意謂兩府方得用涼藥也

公孫弘濟董仲舒相膠西盧杞使顏真卿諭李希烈李遂吉遣韓愈宣撫王庭湊呂夷簡誘富

弼往契丹皆欲殺之也三子皆免而真卿獨死天也若漢末諸賢死于黨錮唐末諸臣死于甘

露之變皆天也秦檜將終猶起大獄惡張浚李光胡寅等五十三人異已謀欲殺之檜死而諸

賢不及于禍亦天也奇問

韓休為虢州刺史乘輿所至常稅廐罰請均賦它郡張說曰免虢而與它州此守臣為私惠耳

休復執論詔如休請盧杞為虢州刺史奏言官豕為民患德宗曰徙之沙苑杞曰同州亦陛下

百姓帝曰守虢而憂它州宰相材也踰年拜相兩人皆以虢守言公事休受疑於名相杞受知

於猜主遇合信有命哉奇問

瀕危不死而後大貴者漢竇廣國少為人器賣入山作炭夜臥崖下百餘人壓死廣宋李遵勗

少馳馬馬逸墮岸下徐起亡恙後尚萬壽公主宋太祖嘗與韓令坤博士室中崔開劉穆之頭久之反室壞徐孝嗣

也書臥齋下夢童子云移公

徐苗神告得免宿亭舍有神告亭壞遠出李曉鼠噬得免衣冠為鼠所噬不成夏侯湛當門狐

嗥瀋于智善易曰速歸當狐嗥處啼哭一人不郤士美鄂州因鼠舞而免毒蛇晨興視事求鼠

文章之遇不遇詩能窮人唐李白號謫仙然以樂府忤妃子卒阨窮不振劉夢得坐種桃句

黜連州白樂天坐新升篇黜佐溫浦孟浩然賈閬仙輩俱有能詩聲然以詩忤明皇宣宗終坎

塋州縣乃詩又能達人陳簡齋與議徽宗見其黑梅詩召對擢掌符璽王欽若章聖見其龍帶

晚煙一聯遂致上相

景帝與晁錯議削七國七國起兵而錯為袁盎所中送首以解昭宗委杜讓能征討汴岐二鎮

兵起而讓能為崔昭緯所中。賜死以解。然錯當漢道方興。身死而國難以平。讓能當唐祚將移。身死而社稷以墟。寬實同情。得失異效。所遇然矣。彼袁崔二子。見危不救。因而除其所仇。有天道哉。

國家有一代之變。必成就數人。皆天命之預定者也。王敦之變。死其事者。戴淵。周顒。郭璞。成其事者。王導。郗鑒。蘇峻之變。死其事者。卞壺。桓彝。成其事者。溫嶠。陶侃。侯景之變。死其事者。張瑒。沈浚。成其事者。王僧辯。陳霸先。陸法和。安祿山之變。死其事者。張巡。許遠。盧奕。顏杲卿。成其事者。郭子儀。李光弼。朱泚之變。死其事者。段秀實。高重捷。成其事者。李晟。渾瑊。成者功業垂竹帛。死者節義炳日星。非不幸也。

附才命

一貧困顏淵。簞食瓢飲。原憲藜藿不糝。子夏衣若懸鶉。列子不足嫁衛。壯周貸粟監河。枯魚自擬。黔婁被不覆形。東方朔苦饑欲死。願比侏儒。司馬相如家徒壁立。典鵲鶴裘。陽昌家傭酒。太史公無賂贖罪。乃致就腐。匡衡為人傭書。東郭先生履行雪中。足指盡露。王章病無被。臥牛衣中。王充游市肆。問所賣書。范史雲金中生塵。第五顯無田宅。寄止靈臺中。或十日不炊。郭林宗以衣一幅障出入。入則護前。出則掩後。孫晨有藁一束。暮臥旦卷。吳瑾傭作讀書。趙壹言文籍雖滿腹。不如一囊錢。束皙債家相。敦乞貸無處。王尼食車牛竟餓死。董京殘絮覆體。乞丐于市。夏統米稻求食。卻詵養雞種蒜。以給治喪。陶潛飢駐乞食。思効冥報。應璩屠蘇發微機。槍見謀。

春道元與天公牋言人衣粗短申腳足出掌捲脊露張融寄居一小船放岸上虞蘇遇雨舒被覆書身乃大溼王智深嘗五日不得食握甕根食之劉峻家有悍室輒軻憔悴裴子野借官地二畝蓋茅屋數間盧叟每作一布囊至貴家飲啜後餘肉餅付螟蛉杜甫浣花鷺月乞人一絲兩絲鄭虔履穿四明雪鐵拾山陰橡蘇源明蕪新照字垢衣生鮮陽城屑榆作粥不干鄰里貴烏數鬢絲如雪不堪織衣孟郊苦寒恨敲石無火盧仝長鬚赤腳灌園自資周朴寄食僧居不能娶婦

二嫌忌屈原見忌上官孫臏見忌龐涓韓非見忌李斯莊周見忌惠子荀卿見忌春申賈誼見忌絳灌董仲舒見忌公孫弘蔡邕見忌王允邊讓孔融楊修見忌魏武曹植見忌文帝虞翻見忌孫權張華見忌荀勗陸機見忌盧志謝混見忌宋祖劉峻見忌梁高薛道衡王粲見忌隋煬柳詵見忌諸葛穎張九齡李邕蕭穎士見忌李林甫顏真卿見忌元載武元衡見忌王叔文韓愈見忌李逢吉李德裕見忌李宗閔白居易見忌李德裕溫庭筠李商隱見忌令狐綯韓偓見忌崔胤楊億見忌丁謂蘇軾見忌蘇軾李定石介見忌夏竦或以才高畏逼或以詞藻漸工大則斧寶小猶貝錦

三玷缺顏光祿家訓云自古文人多陷輕薄屈原顯暴君過宋玉見遇俳優東方曼倩滑稽不雅司馬長卿竊貲無操王褒過章儻約楊雄德敗美新李陵降辱絕塞劉歆反覆莽世傳殺黨附權門班固盜竊父史趙元叔抗疎過度馮敬通浮華擯壓馬季長佞媚獲譴蔡伯喈同惡受

誅吳質。詆訶鄉里。曹植悖慢犯法。杜篤乞假無厭。路粹隘狹已甚。陳琳實號粗疎。繁欽性無檢
格。劉楨屈強輸作。王粲率疎見嫌。孔融褊衡傲誕致隕。楊修丁廙扇動取斃。阮籍無禮敗俗。嵇
康陵物凶終。傅玄忿鬪免官。孫楚矜誇凌上。陸機犯順陵險。潘岳乾沒取危。顏延年負氣推黜。
謝靈運空疎亂紀。王元長凶賊自貽。謝玄暉侮慢見及。雖天子有才華者。漢武。魏太祖。文帝。明
帝。宋孝武。皆負世議。子謂顏公。談尚未悉。如儀秦代厲權謀。翻覆韓非。刻薄招忌。李斯。謫虐覆
宗。劉安好亂亡國。陸賈納賂南荒。枚臯輕治媒殘。楊惲怨望被刑。匡衡阿比中賢。劉向誣罔黃
白。谷杜宗傳戚里。王充狂誕非聖。陳壽售米史筆。劉琨少沒權游。孫綽人稱穢行。王儉市國取
相。沈約乘時微封。張纘杯酒殺人。謝超宗鮑鮑納間。伏挺納賄削髮。魏收淫婢徵賄。江總獻諂
麗詞。世基從史荒君。世南遨遊二帝。四傑皆競輕浮。沈宋並馳險獵。李嶠浮沈致責。蘇味道模
稜充位。張說大肆苞苴。賀知章縱心沈湎。王維鄭虔陷身逆賊。柳宗元劉禹錫躁事權臣。劉長
卿怨對多忤。嚴武驕矜無上。李白見辟狂王。崔顥數棄伉儷。元稹改節卑援。李德裕樹黨拮擧。
王建連姻貂璫。李益感恩藩鎮。楊億諂侮同舍。曾鞏陵轢維桑。歐陽修乖名濮議。蘇軾取攻蜀
黨。王安石元豐斂怨。陸游平原失身。人主如梁武。隋煬。湘東。長城。違命。昏德。不足言矣。以唐太
宗之賢。而閨門之內。不可三緘。況其他乎。即如吳邁遠。杜必簡之流。不能盡徵。皆負此聲者。內
恃則出入弗矜。外忌則攻摘加苦。故爾然。寧為有瑕璧。勿作無瑕石。

罷江都衡門教授。賈生長沙卑溼作鵬賦。東方朔久困執戟作客難。楊雄白首校書作解嘲。馮衍老廢於家作顯志賦。陳壽以謗議再致絀辱。孫楚以輕石苞湮廢積年。夏侯湛中郎不調作抵疑。卻正三十年不過六百石作釋譏。潘安仁三十年一進階。再免一除名。一不拜。作閒居賦。卜彬擯棄形骸仕既不遂作蚤蟲蝸蟲賦。劉峻為梁武所抑。不見用作辨命論。何遜官游不進作拍張賦。盧思道遲滯作孤鴻賦。盧詢祖斥修邊垸作長城賦。王沈為掾鬱鬱作釋時論。秦凝為長史不得志作小室賦。劉顯六十餘曳裾王府。丘靈鞠不樂武位。欲握顧榮垸。劉孝綽前後五免。蕭惠開仕不得志。齋前悉種白楊。庾仲容王籍謝幾卿俱久不調。沈約以終伏挺十八出仕。老而不達其子以悲恨從賊。侯白欲用輒止。得五品食。旬日而終。四傑惟盈川至今長。李杜淪落吳蜀。孟浩然以禁中忤旨放還終老。薛令之以首宿致嫌奪官。蕭穎士及第三十年。纔為記室。王昌齡詩名滿世。拙遲一尉。賈島溫飛卿皆以龍鱗魚服。顛蹶不振。孟郊公乘憶溫憲。劉言史潘貴之徒。老困名場。僅得一第。或方鎮一辟。憔悴以死。至有柳榆路鬼。憔悴波臣。獨振騎土牛。鮎魚上竹竿之喻。噫。其窮甚矣。

五流貶流徙則屈原。呂不韋。馬融。蔡邕。虞翻。顧譚。薛榮。卞鐸。諸葛宏。張溫。王誕。謝靈運。謝超宗。劉祥。李義府。鄭世翼。沈佺期。宋之問。元萬頃。闕朝隱。郭元振。崔液。李善。李白。吳武陵。貶竄則賈誼。杜審言。杜易簡。韋元旦。杜甫。劉允濟。李邕。張說。張九齡。李嶠。王勃。蘇味道。崔日用。武平一。王翰。鄭處。蕭穎士。李華。王昌齡。劉長卿。錢起。韓愈。柳宗元。李紳。白居易。劉禹錫。呂溫。陸贄。李德裕。

牛僧孺楊虞卿李商隱溫庭筠賈島韓偓韓熙載徐鉉王禹偁尹洙歐陽修蘇軾蘇轍黃庭堅
秦觀王安中陸游

六刑辱孫臏則足范雎折肱張儀捶至數百司馬遷腐刑申公胥靡禍衡鼓吏劉禎尚方磨石張
溫幽繫馬融蔡邕班固之流至謝莊崔慰祖袁孝陸厥輩咸髡鉗短後城旦鬼薪諸葛勗有東
野徒賊酈炎有遺令四帖高爽有鑊魚賦杜篤有吳漢誅鄒陽江淹俱有上書皆是囚繫中成者
七天折揚烏七歲預立文九歲卒夏侯榮七歲屬文十三歲戰歿范攄子七歲能詩十歲卒王
子晉十五對師曠十七上賓于帝周不疑蕭子回十七被殺林傑六歲能文十七歲卒夏侯稱
劉義真蕭鏗陳叔慎陳伯茂俱十八義直及鏗俱賜死袁著十九陸瓚邢居實二十王寂蕭獻
二十一徐份九歲為夢賦與何炯俱二十二劉宏二十三王弼王修王延壽王綯何子朗俱二
十四袁耽劉景素二十五禍衡王訓李賀俱二十六衛玠王融俱二十七酈炎陸厥崔長謙俱
二十八楊經沈友王勃俱二十九陶丘洪阮瞻到鏡到沅劉苞歐陽建俱三十梁昭明劉訐俱
三十一顏淵陸績劉歆盧綯祖俱三十二賈誼王僧綽俱三十三陸球三十四蕭子良謝瞻崔
慰祖俱三十五駱統王洽劉琰王錫王僧達謝朓俱三十六謝晦王曇首謝惠連蕭綽陸玠俱
三十七王珉王儉王肅俱三十八王濛三十九嵇康歐陽詹俱四十蘭推王折信哉

八無終韓非蒙毅鼂錯楊惲京房賈捐之班固袁著崔琦蔡邕孔融楊修禍衡邊讓張裕周不
疑酈炎夏侯玄高岱沈友韋曜賀邵韋昭嵇康呂安張華裴頠石崇潘岳孫拯歐陽建陸機陸

雲符朗謝混顏峻劉義真劉景素沈懷文謝眺劉之遴王僧達王融檀超丘巨源謝超宗荀丕
蕭鏘蕭鏐蕭鋒蕭賁崔浩荀濟王昕宇文弼楊汪陸琛王昕楊愔溫子昇盧綽傅縡韋華王胃
薛道衡劉逖歐陽矩張縕古劉緯之李福業王無競王劇王勔范履冰苗神客陳子昂王昌齡
李邕王涯舒元興盧仝姚漢衡劇燕路德延汪台符以寬李斯劉安主父偃息夫躬何晏鄭賜
隱菴桓玄殷仲文傅亮謝晦謝靈運范曄孔熙先謝宗伏知命張衡鄭愔宋之問崔湜蕭至忠
薛稷蘇渙江為宋齊丘鄭首俱以法屈原杜篤周處劉琨郭璞任孝恭袁粲王孫綽袁淑陳叔
慎許善心駱賓王張巡顏真卿溫庭皓周朴孫晟陳喬文天祥余闕以義陳遵鍾會蔣顥夏侯
榮衛恒曹攄王衍庾默袁翻袁山松殷仲堪羊璿之沈警沈穆之鮑昭袁淑張繡江簡鮑泉尹
式孔德紹王由韋諛蕭獻王頊祖君彥虞世基皮日休以亂王筠以井王延壽何長瑜盧照鄰
以水張始均以火伊璠以猛獸

九無後叔向之鬼既餒中郎之女僅存劉瓛劉璉並廢蒸嘗劉歆劉訐何胤何點先虛沈隱李
太白蕭穎士有子而獨孫女流落俱為市人妻崔曙一女名星白公一姪曰龜王維四弟無子
陽城三昆不娶孔融子女髫年被刑機雲會曉暮功駢戮王筠闔門盜手神理茶酷于斯極矣

以上藝
苑言

十惡疾伯牛病癩長卿消渴趙岐臥蓐七年朱超道歲晚沈疴玄晏善病至老照鄰惡疾不愈
至投水死李華以風痺終楚杜臺鄉聾廢祖珽胡旦瞽廢少陵三年瘡疾一鬼不消

此一條
問奇增

數定

聞警蹕聲。又聞鬼呼王相而盡節者。范雲也。入室竟有雲氣。而特敬異梁武者。張弘策也。聞鼓角聲。又見五采光而推誠陳武者。到仲舉也。聞墓中鬼呼蜀王。而委心王建者。晉暉也。荒墓寄宿。聞人云。善人止此。錫山民。蔣容也。野記。華歆嘗宿人門外。主人夜產鬼。謂子當三歲。又呼歆為公也。魏舒嘗詣野人。主人夜產鬼。謂子當十五歲。又呼舒為公也。年之修短。位之崇下。稟命定矣。內熱何為。陳仲舉嘗宿黃申家。主人夜產。有叩門者云。門內有貴人。

蔡州之戰。趙昌死而歟。夜聞點兵聲。千人應之。不及昌也。成都之亂。艾延祚匿積尸間。夜聞唱死者名。不及祚也。虜人之亂。施榮伏積尸間。夜聞唱死者名。不及榮也。臨安之敗。劉宣重傷。臥死人中。夜有官吏持簿遍閱。至宣而扶起之也。人固無誤死者。記偶

王烈得石髓。以半與嵇康。即凝而為石。孔祐見山谷中積錢。樵人取之。即成沙礫。

張氏。得漢長安張功曹

之金鉤。蜀客得之。亦窮厄。反之張氏。復昌敬王之珪。陰不佞將賣之。則為石。敬

王得珪。復為王。

尉遲敬德微時。許貸書生二十金。後封公。賜金少二十金。篋底有書生券也。趙雄貧時。老母掃

舍。拾金一錠。後拜相。賜金少一錠。夢庫神告曰。某年相公先借用一錠也。達此可以免鬼擲榆矣。

丁晉公治第。楊杲宗為督役。鉅麗無比。丁後籍沒。而杲宗以外戚起家。貴顯。乃以其第賜杲宗。

錢思公嫁女。令銀匠襲美造妝奩器皿。既而美以國戚拜官。思公以為妹婿。向者器皿乃歸美家。衛青服役平陽主家。後為大將軍。主仇僞擇配大將軍。迄尚之王。詵為侍禁三班院監修主第。不踰時。詵尚主竟居馬。談舊

熊博本津吏。崖崩得一古冢。旁有石銘曰。欲陷不陷。被藤縛。欲落不落。被沙閣。五百年後。遇熊博。博與老僧率錢葬之。唐將軍王果被責出刺雅州。江中泊船。仰見巖腹一棺。緣峯觀之。得銘曰。欲墜不墜。逢王果。五百年中。重收我果葬之後。魏高流之刺滁州。潭沱水繞城。破一古冢。得銘曰。吾死後三百年。背後生流泉。賴逢高流之葬我。在高源。流之為葬之。談舊

欲抑之而反伸之者。畢士安。一作向敏中有婿皇甫泌。縱放不羈。欲面奏之。值有警報。不終其說。竟

轉大中丞。術者言王安國當相。神宗聞而怒。欲遲用。來春竟相。李吉甫惡吳武陵。榜至先問主師。即注武陵姓名。狄仁傑賤。路經汴州。開封令霍獻可追逐。當日出界。及為相。會擇御史中丞。唯記霍獻可。遂奏之。孔英行醜。而才薄。桑維翰惡之。崔稅知貢舉。辭於維翰。維翰語簡止曰。孔英來稅性純直。不復稟覆。放英及第。

忌欲除之。而非其人。害仍不除者。李林甫夢其身長白皙而髯者。將奪已位。以待郎裴寬貌類所夢。即斥去之。既而代者。乃楊國忠也。魏道武以神巫之言。滅清河一郡。手刃萬人。而見弑者。乃妾萬人。清河王也。李德裕以白馬之厄。親族中外。無敢畜白馬者。而害已者。乃白敏中與馬植也。

宣宗屢欲用李景讓為相。至撫名探丸。竟探不着。終以屏臺病免。唐馬侍封伎巧。無倫造。皇后鏡囊。又造指南車。撲滿。欒器數事。屢欲召見。即值宮中有事。竟不得官。董羽為太宗四壁。畫龍半年始成。方希厚賜。乃上與妃嬪登樓。皇子方幼。見龍怖號。亟令圻塹。卒不獲賞。舊談

劉元成世安敗梅州。章惇必欲殺之。郡有土豪。以貲得官。見惇言能殺元城。即除本路判官。及境郡守遣告元城。畧處置後事。與客笑語飲酒以待之。至夜半。忽聞鐘聲。則其人已嘔血死矣。秦檜一夕秉燭。獨入小閣治文書。欲盡殺張德遠。胡邦衡十一人。明早奏行之。四更忽得疾。數日而卒。檜父嘗為古縣令。守帥胡舜陟欲為立祠于縣。縣令高堂堅不奉命。舜陟反致其罪。送獄鍛鍊不堪。未數日舜陟忽殂。登乃獲免。

劉伯龍將營什一羅友送人作郡。俱為鬼椰揄。富與貴之不可強也。鬼且鄙之。

李文饒夢人謂平生命享萬羊。張齊賢微時遊嵩山。夢人驅羣羊曰。此張相公食羊料。飲啄前定。此語非誣。

郭景純披髮銜刀。裸於廁中。楊慎矜裸袒桎梏。裸於叢棘。皆卒不免。

鹿鳴而嚴震一家死。鹿膽中得珠。而朱克融全家戮。

劉禪降一年而魏國亡。王衍誅一月而莊宗死。

路巖貶新州。死於楊收死之榻。劉摯貶新州。死於蔡確死之房。

謝康樂為孟顗表其異志。太祖知其誣不罪矣。陸士衡為齊同誣作倫。禪文成都救之免死矣。

後皆卒不免

庫狄伏連家財鉅萬。妻子不免飢至死。惟著敝襦。而積絹至二萬疋。其後藏寶。并歸天府。臨沮鄧差巨富。而自奉菲薄。道逢估人。呼與共食。頗極珍美。問之曰。人生止為身口。終不如臨沮鄧差為守錢虜也。差歸。宰鵝自食。方動筋。骨硬其喉而死。鄴城王叟積粟萬斛。而夫妻儉嗇。偶見一客盤餐頗盛。歸語妻為美飲食。夜夢神責曰。何得妄費軍糧。後討安慶緒。盡發叟積餉軍。唐李淳風對太宗女主代王之讖曰。兆在宮中。當四十年而王。夷唐子孫幾盡。太宗欲求殺之。曰。天之所命不可去。殺之恐生新者。陛下子孫無遺種矣。此則天也。李瑩刺鄧州。夜見東南隅有異氣。明日呼吏取視。得村婦牧羊。胡氏產子。瑩慘容曰。此假天子也。坐客勸殺之。曰。殺之恐生真者。此祿山也。

附巧合

蕭相之謁邵平。邵平之謁蕭相。成敗貴賤何常。

晉納賈充女為后。以壬辰歲。而劉聰入洛。以丙子。宋納賈似道女為妃。亦以壬辰歲。而元人入臨安。亦以丙子。錢俶以八月二十四日生。亦以八月二十四日卒。房琳以七月七日生。亦以七

月七日受誅。

談舊

張說自中書舍人拜禮部侍郎。子均亦自中書舍人拜禮部侍郎。孫濛復自中書舍人拜禮部侍郎。宋石守信以檢校太師使相領陳州節。年五十七卒。子鎮。子保吉亦檢校太師使相領陳